

### Publikashon órden di Hues

- Hues ta trata un petishon basá riba datosnan kaminda tin suficiente prueba ku e persona tin un adikshon i/òf tin problema mental i ta forma peliger i òf ta okashoná molèster.
- Denter di **10 dia** ku un persona wòrdu pone bou di kuratela e desishon aki mester wòrdu publiká den *De Curacaosche Courant N.V.* i den 2 otro korant. E petishonario ta responsabel pa hasi esaki. Si no publik'é, e protekshon no tei.' P.e; Si e kliente disidí di kumpra òf bende algu, e kurator ta para responsabel.
- Denter di 6 siman ku desishon a ser tumá i e famia no ta di akuerdo ku e desishon, famia por hasi petishon pa bai *hoger beroep*. Pa esaki no tin mester di un abogado.
- Kuratela ta wòrdu duna pa un periodo di 2 aña. Si no hasi petishon pa alargá e petishon, esaki ta ser anulá outomátikamente.
- Por hasi petishon pa kambio di kurator na FMA òf pa kita (*opheffing*) e kuratela den kaso ku por ehèmpel e kliente ke bai risibí tratamentu den eksterior.
- Kurator mester sòru pa e kliente su *levensonderhoud* durante e periodo di 2 aña di kuratela.
- Petishonnan ofisial manera; kasamentu, rekonosé yu(nan), i adoptá yu(nan), mester sosodé ku pèrmit di Hues na momentu ku e kliente ta bou di kuratela.

#### Stadhuis Info:

Adrès: Wilhelminaplein 4 / Tel:+5999 463 4111

E-mail: focur@caribjustitia.org

Pa traha un sita, bo por yama òf pasa na nos edifisio.

#### Fundashon pa Maneho di Adikshon

Oosterbeekstraat 11, Sherasil /T: 461-5977 òf 670-5544 

W: [www.fma-curaçao.com](http://www.fma-curaçao.com) / E: [info@fma-curaçao.com](mailto:info@fma-curaçao.com)

Pa mas informashon tokante droga i adikshon, bo por bishitá nos wèpsait.



## Kiko ta nifiká kuratela?

Kuratela ta un sistema hurídiko krea pa protekshon i guia di e persona mayor di edat ku pa sierto motibu ta inkapásitá pa manehá su mes. Según lei, un persona por ser poné bou di kuratela na momento ku; e tin adikshon na droga i/òf na alkohòl i òf e tin un trastorno mental i debí na e adikshon òf transtorno mental e persona no ta mira kiko ta bon i kiko ta malu pa su persona. E persona aki ta perkura pa molèster kontínuo riba kaya, ta un peliger pa su mes òf su alredecor.

### Ken por hasi un petishon

Petishon di kuratela i tratamentu obligatorio por wòrdu pidi dor di;

- Kliente mes,
- Kasa òf partner di e kliente,
- Famia den e promé liña di e kliente; mayor, abuelo(nan), yu(nan) òf nietu(nan),
- Otro miembronan di famia manera; rumannan, tanta/ tionan, primunan òf subrinonan,
- Ministerio públiko.
- Abogado.

### Kiko ta un kurator i su eksigensianan:

Kurator ta un persona ku ta wòrdu apuntá pa un Hues pa ehersé kontròl riba vienes i kuido di e kliente ku ta ser pone bou di kuratela.

- Kurator mester ta mayor di edat! (18+)
- E kurator mes no mester ta bou di kuratela, adikto na droga/ alkohòl òf tin otro tipo di komportashon adiktivo

### Dokumentonan nesario pa hasi e petishon:

- Kopia di troubuk (si kliente ta kasa),
- Buki di famia,
- Basis uitreksel,
- Sédula di kliente i kurator,
- Evaluashon sikiátriko,
- Tambe e.o deklarashon mediko, rapòrt di polis, rapòrt sikiatriko, rapòrt di st.reclassering, kartanan di famia/bisiña ku ta sostené e petishon.

### Kostonan mara na e proseso di kuratela:

- **Beschikking** desishon / órden di Hues, ta kosta Fl. 20,- pa e promé 2 página i pa tur página ku sigui despues, ta Fl. 5 pa kada unu.
- **Stampia** pa *verzoekschrift* (aplikashon ofisial pa kuratela) ta Fl. 40,- .
- **Basis uitreksel** e dokumento aki ta kosta Fl. 5,-, por kumpr'é na Kranshi. Ta nesario pa e persona ku ta hasi petishon tin esaki.
- **Dokumento ku datonan registrá di famia** (kaminda tur informashon di famia ta ariba) esaki ta kosta Fl. 10,- i por kumpr'é na Kranshi. Sí e persona ku ta hasi petishon no tin troubuk òf buki famia di kliente, ta nesario pa saka un.
- **Griffierkosten**; na momentu ku e petishonario hasi entrega di tur su dokumentonan ofisial na *stadshuis* e tin ku konstruí ku fl. 50,- pa **griffierkosten**.
- Den kaso ku e persona ku ta hasi petishon ta kobra ònderstant e por pidi pa dispensá e montante ku e tin ku paga, na momento ku e prueba su entrada.



- Den un kaso ku e kliente mes ta esun ku ta hasi su petishon i entrega su dokumentonan na *stadshuis*, e no tin ku paga *griffierkosten*.
- E partido(nan) òf e kliente lo risibi via pòst personal su *oproepbrief*, ku fecha i e orario ku e/nan mester ta presenté na e *zitting*.

\*Por tin kambio den kostonan menshoná.

Por kumpra stampia na FMA òf na landsontvanger/ belasting kantor.

### Kiko ta nifiká atmishon/tratamentu obligatorio?

Atmishon/tratamentu obligatorio ta nifiká ku e kliente ta ser obligá pa wòrdu interná den un Sentro di rehabilitashon, será. E kliente no por bandoná e sentro/kliniká sin òrdu di Hues. Na Kòrsou, nos tin *verslavingskliniek* Brasami, pa klientenan ku tin adikshon i *Klinika Capriles* pa kliente ku tin trastorno mental i adikshon.

FMA, ta duna e servisio pa yuda e famia hasi e petishon di kuratela ku ingreso obligatorio den *Klinika Capriles*. FMA ta hiba diferente kombersashon ku; famianan di e kliente, e kliente mes i tambe lo hasi bishita di kas/ bishita na lokalidat ku e meta pa por tin un bon bista di e situashon.

